

մարդ, անասուն, բոլորը կը սառչեն եւ կը կազմեն մի մեծ սառցային գանգոստան:

Ահա այդ ձմեռոյ գիշերներից մէկում, Քօհնա-Շահարի մօտ, մեզ ծանօթ արաբական միւստաթում, քարէ յատակի վրայ կրակ էր վառուում: Մի խումբ զինուած մարդիկ, բոլորած կրակի շուրջը, տաքանում էին: Իսկ միւստաթի դրսում, դռան մօտ, նրանց ձիաները գարի էին ուտում գլուխներից քարշ ընկած տոպրակներից:

Գիշերը մթին էր: Ձիւնային տարափը այնպէս ազատութեամբ մաղում էր երկնքից, որ մտածում էիր, թէ մի քանի րոպէում ամբողջ երկիրը կծածկէ, կանհետացնէ թանձր խաւի տակ:

Ձիաների մօտ, մէկը, փաթաթուած իւր վերարկոյի մէջ, կծկոել էր պատի տակին: Նա անշարժ էր, որպէս արձան, միայն շարժւում էր, երբ թափ էր տալիս վերարկուն, որ իւր վրայ հաւաքուած ձիւնը մի կողմ թափոյի, եւ դարձեալ ընդունում էր իւր անշարժ դիրքը: Անշարժ էին եւ նրա աչքերը, կարծես ցուրտը սառեցրած լինէր նրանց: Նրանք նայում էին խաւարի մէջ, միշտ միեւնոյն կետի վրայ եւ ամենեւին չէին շեղւում դէպի մի այլ կողմ: Ի՞նչ էր դիտում նա այն մթութեան մէջ, աստուած գիտէ, բայց նա շարունակ նայում էր:

Ոչ մի կենդանի արարած այդ միջոցին չկար շրջակայ ամայութեան մէջ, ոչ մի ձայն չէր լսուում, եւ բամբակի նման փափուկ ձիւնային տարափն անգամ ձայն չէր հանում: Միւստաթի ներսում խարոյկի շուրջը խմբուած մարդիկ նոյնպէս ձայն չէին հանում, նրանք միայն ծխում էին:

Դրսում մենաւոր պահակը դեռ նայում էր:

Յանկարծ այն կողմում, որ կողմ յառած էին նրա անշարժ աչքերը, հեռոյց երեւաց լոյսի փայլփլոյղ մի նշոյլ: Այդ լոյսը հրեղէն լեզոյի նման կանգնած էր բարձր, շատ բարձր, օդի մէջ: Եթէ նրա շառագոյն փայլը չլինէր, կարելի էր մի լուսաւոր աստղի տեղ ընդունել: Բայց երկինքը այդ գիշեր այնպէս ամպամած էր, որ աստղերը բնաւ չէին երեւում:

Չրեղէն լեզուն կանգնած էր միեւնոյն կետի վրայ, նա երբեմն աճում էր, երբեմն նոսրում էր, իսկ երբեմն բոլորովին անյայտանում էր եւ մի քանի րոպէից յետոյ դարձեալ երեւում էր:

Այդ տեսնելով, մենաւոր պահակը ցնցոտեցաւ որպէս մի մարդ, որ լարում է իւր ուշադրութիւնը:

Չամարեա միեւնոյն վայրկեանում, երբ յայտնուեցաւ առաջին հրեղէն լեզուն, նրա հորիզոնական ուղղութեամբ, մօտ երկու հարիւր քայլ հեռաւորութեան վրայ, յայտնուեցաւ մի այլ լոյս, բոլորովին նման առաջինին: Այդ եր-